

TE HEEEURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 6.

Tiunu 1926.

Mat. 20.

*Na te ite maori e noaa'i te faaroo, e na te parau a te
Atua i paranhia maira te ite. (Roma 10:17.)*

Te Paari o te Taata Nei

TE TUPU noa nei â te ino i rotopu i te taata nei. Te
tupu noa nei â hoi te teoteo o te tahi pae. Te parau
mai nei ratou mai te mea ra e, ua hau to ratou paari i te
mau ravea paari o te Atua, e ua tia hoi ia ratou ia patoi
i te mau parau i papaihia e te rima o te mau Aposetolo.

Tera ia te hurnu no te mau orometua i roto i te hoê
tufaa o te huapaoraa Porotatani i te fenua Amerika. Te
manaó nei te tahi pae o ratou e, e ere Iesu te Mesia mai ta
tatou e tiaturi nei, e ere hoi oia te tamaiti a Tei Teitei. Te
parau nei râ ratou e, e peropheta rahi oia i roto i to'na ra
anotau. Te manaó nei râ te toe o ratou e, o Iesu Mau ia, te
Mesia, e te faaora o te taata nei.

Ia hiópoa maite tatou i teie hurnu marôraa e teie mau
manaó hurnu e, ei reira tatou e ite papu ai e, aita te reira
Ekalesia i faatiahia e te Atua. E tapao mau hoi ia, aita

roa'tu e nehenehe ia faaterehia te haapaoraa mau o Atua, maori râ na roto i te mau beheuraa no te raî mai.

Ia feruri tatou i teie mau marôraa, ua tapitapi iho â te manaó. Kaha râ te tumpu i tapitapi ai te manaó o te taata nei, maori râ, na roto i te tatou iho haapao-ore-raa i te mau parau papai. Ua na ô maira Iakobo e, "Te ere ra râ te hoé o outou i te ite, e ani oia i te Atua ra, o tei horoa hua mai i te maitai i te taata atoa ra, ma te patoi ore; e e horoahia mai ta'na. E ani râ oia ma te faaroo, eiaha e feaa, o tî feaa ra, e au ia i te aru miti i patuhia e te matai e fetoitoti aéra. (Iakobo 1:5-6)

Ua marô atoa te mau haapaoraa i te tau no Iosepha Semita, na roto râ i to'na haapaoraa i teie irava i papaihia i nia nei ua faahoíhia mai te Evanelia hanahana a Iesu Mesia i te ao nei. E na roto i tana Evanelia nei ua tia ia tatou te roaa mai i te mau haamaitairaa e rave rahi no ô mai i te Atua ra.

Teie mau orometua i roto i tana Ekalesia Porotatani ra, e mau taata haapihia anaé ratou. E e mea paari roa ratou i te mau mea o te varua; ua au roa ia ratou te reira parau o tei na ô mai e, "Te ati mai nei teie nei feia ia'u i to ratou vaha e te faatura mai nei ia'u i to ratou utu; tei te atea ê râ to ratou aau ia'u. E mea faufaa ore râ ta ratou e pure ia'u nei, a haapii ai i tei tuuhia mai e te taata anaé ra." Mataio 15:8-9)

Te vai ra te mahana e haamaramamahia'i to te ao atoa nei, e ia tae te reira mahana e tae mai ai te Mesia ma to'na hanahana'toa; e e faahapahia te taata atoa te patoi mai ia'na ia tae te reira mahana. No reira tiaturi â tatou i te Atua, e haapao maitai i ta'na mau parau i parauhia mai e te vaha o to'na mau tavini.

--Ioane Orotona

Te Ora Mure Ore

E UTUA te pohe no te hara, area te ora ore ra, e mea horoa-noa-hia mai ia e te Atua i roto i to tatou ra Fatu ia Iesu Mesia. (Roma 6:23)

Ua papai-pinepine-hia i roto i te mau buka moá te mau parau e rave rahi no te ora mure ore. Te imi-noa-hia nei te ora mure ore e te taata nei, area râ emea horoahia mai ia e te Atua. Eaha râ te ora mure ore? E eaha hoi ravea e roaa mai ai te reira ia tatou. Ua fifihia te taata i teie na uiraa e piti nei.

Na roto i ta Paulo parau i papaihia i nia nei, ua faaite-papu-hia te mea ê i rotopu i te pohe e te ora. Ia taió râ tatou i te mau irava tanturu i raro mai, ua ile papu tatoue, e mau parau teie no te pohe e te ora i te paeau varua. Ua manaó-hia e, te ora mure ore râ, o te vai-noa-raa ia i mure aé i te pohe. Te vai atura râ te mau mea hanahana e roaa mai na roto i te ora mure ore.

E ora noa â te taata hara i muri aé i te pohe. E ora noa â hoi te varua taata e a mure noa'tu. E riro te pohe ei utua no te hara i roto i teie nei ao. Te vai atura hoi te pohe i te paeau varua, i parauhia te poheraa piti.

Ua taa ê Adamu i te Atua, e no reira, tera ia te pohe-raa matamua, oia hoi na roto i ta'na raveraa i te hara ra, ua taa ê te taata'toa nei i te Atua ra. Ua horoahia mai râ te hoé faaora no teie pohe, oia, te Evanelia a Iesu Mesu.

Te piti o te pohe râ, e riro ia mai te matamua, e faataa-ê-hia te taata i te Atua i te paeau varua. Ua faaite mai te Atua e, "no reira na faane au, te Fatu o te Atua ia hurihia oia i rapae i te ô i Edene, mai mua i to'u aro, no ta'na hara-raa; na pohe oia i reira i te pae varua ra; e te pohe matamua ia, oia hoi te reira ra pohe, e te pohe hopea hoi ia, o te pae varua, o te parauhia atu ia i te feia rave hara, ia parau atu vanu e, A haere ê atu outou te feia faainchia." (B. F. 29;41)

Te haamaitairaa rahi i roaa mai na roto i te ora mure ore ra, o te raven ia i horoahia mai i te taata e tia'i ia'na te parahi tamau i pihai ihoi te Atua. E e amui-noa-hia hoi te ite e te maramarama i nia iho ia'na e a muri noa'tu, ia riro atoa oia mai te Atua te huru.

I to Iesu farereiraa hopea i ta'na mau pipi, hou iti a'e i to'na faasatauro-raa-hia, ua pure atura oia i te na ô raa'tu e, "Teie hoi te ora mure ore, ia ite ratou ia oe i te Atua mau ra, e ia Iesu i te Mesia i ta'oe i tono mai." (Ioane 17:3)

Aita roa'tu e nehenehe i te ho'e taata ia ite i te Atua, maori râ, na roto i te haapaoraa i te mau ture i faatiahia e ana ra. Ia imi noa te taata e haapii hoi i ta'na mau raveraa e tia'i, ia tomo oia i roto i te vahi i parahihia e te Atua. Ahiri râ tatou e ite ia'na; na roto i taua ite ra, e tae atu ai i pihai iho ia'na. Aita roa to te pohe e mana i te vahi parahiraa o te Atua. No reira, na ite tatou i te papuraa o teie nei parau, oia hoi, ia ite te taata i te Atua o te ora mure ore ia.

Ho'e noa iho ravea i horoahia mai e tia ia tatou ia tae i pihai iho i te Atua, e na faaite mai Iesu i taua ravea ra i te na ôraa mai e, "O vanu te e'a e te parau mau, e te ora, aore roa e taata e tae i te Metua ra, maori râ ei ia'u." (Ioane 14:6)

Ua parau faahou mai na te Atua i teie mau mahana hopea nei, mai te faaite i te auraa no te ora mure ore, e te ravea hoi e roaa'i te reira i te taata nei. Ua na ô maira oia e, "Ia faarii râ outou ia'u i roto i te ao, ei reira e ite ai outou ia'u, e e horoahia'tu to utua, i te vahi ta'u e parahi nei, e parahi atoa outou. Teie hoi te ora mure ore, ia ite ratou ia oe i te Atua mau ra, e ia Iesu i te Mesia ta'oe i tono mai, o vanu ia, no reira, haapao i ta'u ture." (B. F. 132:23)

Te utua rahi a'e i te mau utua atoa o te ora mure ore ia, e na tia ia tatou te roaa mai taua utua rahi ra, na roto ia Iesu Mesia. Na roto i ta Iesu parau, na itehia e, ua haa-

mana
na ô
te ta
atoa t

I
i roto
maira
na ia
mure
outou,
te hae
mai oi
mai ia
outou
ta'u ia

Te
Mesia
raa, o
te faao
ra, te b
mahar
tai. Ua
taata i
raveraa
te taata
mure o
ô ai oia
e huru
hoi te f
ra." (T

manahia oia no teie ohipa e te Atua Metua, no te mea, ua na ô maira oia e, "ua horoa mai hoi oe i te mana no'na i te taata'toa nei, ia horoa'tu oia i te ora mure ore, i te feia atoa ta'oe i horoa mai no'na ra." (Ioane 17;2.)

I muri iti aé i to Iesu tia-faahou-raa, ua fâ tino mai oia i rotopu i te Ati Nephi i te fenua ra i Amrika. E ua ua ô maira oia ia ratou e, "Oia mau ta'u e parau atu ia outou na ia haere mai outou ia'u nei râ, e roaa ia ia outou te ora mure ore. Inaha, ua faatorohia'tu to'u rima aroha ia outou, e o te haere mai nei, o ta'u ia e ite mai; e maitai to te haere mai ia'u ra." (Nephi III 9:14.) Ua na ô faahou mai oia e, "Inaha, o vau te ture e te maramarama. E hió mai ia'u, e tamaû â e tae noa'tu i te hopea, e e roaa ia outou te ora, o te tamau â hoi e tae noa'tu i te hopea ra, o ta'u ia e horoa'tu i te ora mure ore." (Nephi III 15:9)

Te mau ture tumu no te Evanelia i faatiahia e Iesu Mesia ei ravea no te faaoraraa i te taata nei, te matamua-raa, o te faaroo ia i te Atua, e i ta'na tamaiti ia Iesu Mesia te faaora o te taata nei; te piti râ, te tatarahapa ia; te toru ra, te bapetizoraa ia i raro aéi te pape ia matara te hara; te maha ra, te tuuraa rima ia no te horoaraa'tu i te Varua Maitai. Ua riro teie mau raveraa moá ei faufaa, a ravehia'i e te taata i maiti-mau-hia e te Atua ra, e ia ravehia teie mau raveraa atoa i roto i te i'oa o Iesu Mesia e tia'i. Ia haapao te taata i teie mau ture atoa e tia'i, ia roaa mai ia'na te ora mure ore. Hamanaó tatou i ta Paulo i parau maira, a na ô ai oia e, "Rohi hua oe i te rohiraa maitai ra i te faaroo; e huru i te ora mure ore, i parauhia'i hoi oe na, e ua faí hoi te faíraa parau maitai i mua i te aro o te ite e rave rahi ra." (Timoteo 6:12)

— *Faaauhia ei re'o Tahiti e Ioane*

Te Ekalesia a Iesu Mesia

E HOROAHIA atu hoi e au te hoé faaueraa ia outou ia haapiihia e outou i reira i te taata atoa; e haapiihia hoi te reira i te mau fenua atoa, i te mau nunaa, i te mau reo, ete mau taata'toa. (B. F. S. 42:15)

I roto i te matahiti 1818 i te tufaa fenua Nui Ioka (New York) i roto i te oire ra o Manasera (Manchester) parahi atura te te hoé utuafare i parauhia Semita. (Smith) Ua vai i roto i te reira utuafare e toovau tamarii, oia hoi, Alavina, o Haeramu, o Saphoronia, o Iosepha, o Samuela, o Viliamu, o Catereina, e o Dona Calosa.

E tae aéra i te piti o te matahiti i to ratou parahiraa i Manesera, ua haamata ihora te tahi tufaa Ekalesia Porosetani i parauhia ra o Medoti i te faaitoito hua i te aóraa evanelia. E muri iti aéra ua peehia ratou e na tufaa ekalesia Porosetani i parauhia ra o Pereseberiana rana o te Bapetizo e ua haapao pinepine ratou i te mau pureraa. Ei reira ua aóhia te evanelia e ratou, e ua himene, e ua pure hoi, e ua rohi e ua faaitoito hua i te feia atoa ra. E na roto i te faaitoito-hua-raa, ua pii uána'tura ma te reo teitei, e ua uuru noa, e na ori hoi, e ua paraparau noa'i ratou. Aita te reira mau huru haapaoraa i faatupuhia e te Varua o te Atua.

Ua tae Iosepha Semita i te ahuru ma maha o to'na matahiti; aore oia i haapii-rahi-hia, area râ ua ite oia i te taió i te Bibilia e ua feruri noa ihora oia i te mau parau e rave rahi i roto i tana buka ra. Teie hoi ta'na pen i rave na, maori râ ia hiópoa, mai te feruri maitai i te mau haapiiraa a te mau orometua o tei tamata noa na i te faafariu mai ia'na ra i ta ratou iho mau haapaoraa, a te mau haapiiraa, na Iesu e te mau Aposetolo hoi. Ei reira ua feaa ihora to'na manaó ia ratou no te mea ua ite na oia e, e mea au-

ore ta ratou haapiiraa e tei papaihia i roto i te Bibilia. Fifi roa'era to'na manaó, area râ i te hopea ra na itehia te eá afaro e ana ra.

Te taio noa ra oia i te Bibilia, e na ite oia i te tahi irava parau au rou ia'ua, e te feia'toa hoi o tei imi i te maramarama. Na ô hoi te taióraa. "Te ere râ te hoé o outou i te ite, e ani oia i te Atua ra o tei horoa hua mai i te maitai i te taata'toa ra, ma te patoi ore; e e horoahia mai ta'na." Putapû aéra to'na aau, e ua f-ruri ihora oia i taua parau ra.

Tei te poipoi, tei te pae matamua i te haamataraa no te tau mahanahana i te matabiti 1820. Ua haere atura oia i roto i te vahi uru raau, e tae aéra i te vahi i manaóhia, ua ite oia i te tahi vahi maitai, hió atura, aore roa e taata i iteahia e ana. Pure aéra oia i te Atua. Ua fâ maira e toopiti pne taata, oia hoi te Atua Metua e i ta'ua ihora tamaiti o Iesu Mesia. Teie râ, ua parau maira te hoé, na ô maira, "E Iosepha, tau tamaiti here teie, a faarao ia'na." No reira ua ani atu oia ia raua, teihea te haapaoraa mau? E ua, na ô maira tei parau mai ia'na, "eiaba oia e amui atn i te hoé o ratou, no te mea ua hape ratou atoa ra, e ta ratou mau hurn haapiiraa e mea faufaa ore anaé ia i mua iaú e to ratou man orometua, na hapa ê ratou."

I te mahana 22 no Setepa, i te matabiti 1827, ua rave mai Iosepha i te mau apî piru tei vaiihobia i roto i te hoé afata i hunahia i roto i te aivi ra o Kumora.

Te rave noa ra Iosepha Semita raua o Olive Taudere i te ohipa iritiraa parau o te Buka a Moremona e tae noa'tu i te avae ra o Me, i te matabiti 1829. E i reira oia hoi, i te mahana 15 no Me, i te matabiti 1829; ua haere raua i te vahi uru raau e pure e e ani atu i te atua i te auraa no te bapetizoraa ia matara te hara, no te mea hoi na iteahia te reira parau e raua a iriti noa'i raua i te parau no nia mai i te mau apî auro.

A pure noa'i raua i te atua, inaha ua fâ maira te hoê melahi no te raí mai o Ioane Bapetizo to'na i'oa, tei roto oia i te tahi ata maramarama i te taeraa mai, e ua tun mai oia i to'na pue rima i nia iho i to raua na upoo, i te na ôraa mai e:

"I nia iho ia orua e ta'u na tataeae tavini, i te i'oa o te Mesia, te tuu atu nei au i te Autahuáaraa o Aarona tei mau i te taviri o te melahi tavini ra e te taviri hoi o te evanelia o te tatarahapa, e o te bapetizoraa utuhi ia matara te hara, e e ore e rave-ê-hia teie i te fenua nei e ia pûpû faahou te tamarii tamaroa a Levi ra i te ô i te Atua ra ma te parau-tiá." Buka Faufau i te Pene 13.

I te mahana i tae mai ai Ioane Bapetizo a faatoroa ai oia ia raua i te Autahuáaraa o Aarona, na faaite mai oia ia raua e, e faatoroahia raua i te Autahuáaraa o Melekizedeka i te tau i muri nei. Ei te avae Tiunu i te matahiti 1829 ua tae Petero e o Iakobo e o Ioane, e i reira ua faatoroa ratou ia Iosepha raua Olive i te Autahuáaraa o Melehizedeka.

E i te hopea o te matahiti 1829 ei te matamua no te matahiti 1830 na faatibhia te ohipa neineiraa o te Buka a Moromona. E e pae tausani buka tei oti i te neineibia i te reira tau.

"I te 6 no Eperela i te matahiti 1830, i te utuafare o Petero Vitima, i te oire Faete, i te mataeinaa ra o Seneca, i te tufaa fenua rahi ra o Niu Ioka, i Amerika, o te vahi ia i faatiahia'i te Ekalesia a Iesu Mesia i te Feia Moá i te Mau Mahana Hopea Nei. Toono taata i te faatia-raa-hia o te ekalesia ra, e teie hoi to ratou ra mau i'oa, oia hoi, o Iosepha Semita (te peropheta), e Olive Taudere, e Hucramu Semita, e Petero Vitima tamaiti, e Samuela Semita, e o Davida Vitima. Ua faaorehia te hara a tana na taata toono ra i to ratou bapetizo-raa-hia hon ratou i amuihia'i e faatia i te ekalesia, no reira, ua tia roa ia rave raton i tana ohipa moá ra. Ua haamatahia te apooraa ma te pure. E

i mure iho ua fariihia Iosepha raua o Olive Taudere e te mau taeae ei na orometua haapii no ratou i te pae varua ra. Muri iho ua tuu ihora Iosepha i to'na pue rima i nia iho i te upoo o Olive Taudere, e ua faatoroa ia'na ei peresibutero, e ia oti te reira ua faatoroa atoa'tu Olive ia Iosepha ei peresibutero. E i reira ua faatia raua i te oroa a te Fatu. Ua tuu atura Iosepha raua o Olive i to raua pue rima i nia iho i te upoo o te mau taeae no te faariroraa ia ratou e melo i roto i te ekalesia, e no te horoaraa'tu i te varua, e i reira ua tae maira te Varua Maitai i nia iho ia ratou, e ua haamaramaramahia to ratou auu, e ua tohu ihora te tahi pae e oaoa ihora ratou atoa ma te haamaitai'tu i te Atua. I reira i horoahia mai ai te tahi beheuraa ia Iosepha, e o tei parauhia e te Atua ei peresibutero matamua, e ei aratai hoi no teie nei Ekalesia, e o Olive o tei parau-atoa-hia e te Atua ei peresibutero piti, e ei aó haere i te evanelia. E ua fauehia te mau melo ia auraro ratou ia Iosepha e tia'i. Ua faaue mai te varua ia Iosepha raua o Olive ia maiti i e toofanu pue melo, e ia faatoroa ia ratou i vetahi aé mau toroa i roto i te Autahuáaraa." (Parau Tuatapapa i te pene 10.)

— Viliamu Biridi



TE HAEREA O TE FEIA MO'A

Te Mau Parau Apî

I te fenua Amerika i te mau mahana i mairi a'enei, ua pupu'hia te ho'é taata o Vereria to'na i'oa. Ua haere roa te ofai i roto i to'na mafatu e te ora noa nei â taua taata ra. Ua riro teie ei mea maere rahi i te mau taote i taua fenua ra. E mea huru maitai atoa teie taata i teie nei, ua tia noa ia'na te ori-haere-noa i roto i te fare mai.

Tei roto te tamaiti ra o Keneta Semita i te fare mai, e tera hoi ia te huru o te ati ta'na i farerei. Te faaineina ra oia raua to'na ho'a ia haere e pupuhi-haere i te puaa oviri. Ua vaiihohia râ ta raua pupuhi i nia i te umu e te ama noa ra te auahi i roto i taua umu ra, e i muri iti a'e ua pupuhia teie tamaiti. Ua tomo roa te ofai i roto i to'na arapoa; ua mana'ohia e ua haere roa te ofai i roto i to'na mahaha, e mai te mea, ua na reirahia, e pohe iho â ia taua tamaiti ra.

Ua tupu te ho'é vero rahi i te tufaa fenua Texas i te fenua ra i Amerika. E ua faaorahia e toru hanere tamarii na roto i te feruriraa paari o te ho'é taata. Tei roto teie mau tamarii i te fare haapiiraa, e te haapii ra ratou i ta ratou haapiiraa. Ua ite râ te orometua i te haereraa mai o teie vero rahi, no reira, ua faaue atu oia ia haaputuputu mai teie mau tamarii i roto i te ho'é piba rahi; e a tae a taua vere rahi i nia iho ia ratou ra, ua a'o noa oia ia ratou e ua faaitoito atoa oia ia ratou ia ore ratou i mata'u. Ua parari te ho'é tufaa o te fare, e ua mou roa hoi te mau fare fatata mai, aita ra teie mau tamarii i haapeapeahia; ahirâ aita teie orometua i haaputuputu mai ia ratou, ua farere iho â ratou i te pohe.

I te tufaa fenua Helena Monotana, i te fenua ra i Amerika, ua tupu te hoé aene fenua, aita râ te oire i haamouhia.

I te fenua Amerika i te mau mahana i mairi aénei te hauti ra na tamarii e toopiti i te hiti o te hoé roto. E vau matahiti te teina, e hoé ahuru ma piti matahiti râ te tuaana. Ua topa ihora te teina i roto i te pape, e ua fatata oai i te pohe, ouá ihora te tuaana i roto i te pape, e ua tamata noa atura oia i te faaora i to'na teina, area, no to raua paruparu, e to raua apîraa, ua pohe raua e toopiti atoa.

Te tia i ra te taata ra o A. B. Kene (A. B. Kenney) i to'na pereoo, a tae mai ai te hoé taata ê i mua ia'na, e pupuhi tereumu ta'na i roto i to'na rima. Ua faane ihora oia ia Kene ia hoé atu i te fare, e horoa mai i ta'na moni. Ua na reirahia ihora, e ono ahuru ma pae dala, moni Amerika, tei eiahia e tata taata ino ra.

Ua paapaahia te hoé pereoo i Papeete, i te 18 no Me. Tera ia te huru e te tumu i paapaahia'i taua pereoo ra, oia hoi, ua pupuhi te hoé tamaiti i te avaava, e ua pohe ta'na avaava, ua rave faahou ihora oia i te mati, e ua tutuhi ihora oia i ta'na avaava, e aita i pohe te auahi i nia iho i ta'na raau mati, e ua taura ihora oia i taua raau mati ra i nia i te pereoo i pihai iho i te tura mori, e ua paapaa roa taua pereoo re, e ua haere te ama i roto i te tura mori, e te reira te tumu i te paapaa'i te pereoo. Tei roto te reira pereoo i te ana o Bambridge i te paapaaraa ra. Ua haapohehia râ taua auahi ra, area râ ua paapaahia te tahi pae o te mau parahi-raa, e te fare o te pereoo.

Ua iteahia te hoé taata ruan roa i te fenna Beretane. E hoé hanere e piti ahuru e ma pae (125) matahiti to'na. Aita i rahi te ohipa ta'na e rave nei, maori râ, i te mau mahana pae atoa na haere na raro oia e hoé maile i te atea, e tii mai i ta'na moni tanturu i aufauhia mai e te Hau.

I roto i teie mau mahana i mairi aénei, ua pohe te taata nainai roa i te mau taata'toa o teie nei ao. O Che Mah to'na i'oa, e e piti ahuru ma vau inita to'na roa. E mea roaroa ra to'na rouru, oia hoi, e hoé ahuru avae. E vau ahuru ma vau matahiti oia a pohe atu ai. Ua riro râ teie taata nainai ei taata ona roa i te fenua Amerika, no te mea, na haere oia i roto i te mau tentaraa, e ua aufau-noa-hia te moni ta'na. Ua fanauhia teie taata nainai i te fenna Tinito, e na afaihia oia i te fenua Amerika i te mataiti 1881.

Ua iteahia te hoé taata roo rahi i te fenua Prutia, o Heri Joli (Herr Jolly) to'na i'oa. Tera ia te huru no te ohipa maere rahi ta'na i rave, oia hoi, na haapae oia i te maa e maha ahuru e ma maha mahana. I te hopea râ o tana mau mahana ra, e mea paruparu roa to'na tino taatoa. E na pohe atoa oia i te maí rahi. Ua afaihia'tura oia i te fare maí, e te faaamuhia nei oia i reira. E taata tino rahi e te maitai oia na maa aé i to'na haapaeraa i te maa. I mari iho râ na riro oia ei taata paruparu roa. Ua faarue oia e 12 kilo a haapae ai i te maa. Ua roa mai râ ia'na e piti ahuru tausani dala, (20,000) moni marite no tana onipa maere rahi ra.

O. B. Peterson, Imprimeur,

Rue Brea et de la rue Dumont d'Urville, Orovini, Papeete

T

I neia

M

Nu. 7.

E ou
ra, erave
i to'na fa
e ia fariu

UA HA
mata
hoé melab
ravea e ro
Noa, e ia
ratou i te
e te mau r
i muri ma
Iesu Mesi
o te pohe.

Ua pa
mai te ma
i te ofai,
tapearaa,